



千金方衍義

中武9
176
5





右七味咬咀以水九升煮取三升去滓

三墮身欲死服亦瘥

衍義澤蘭為產後去宿新生要藥與丹參功用不殊濟

以地黃歸芍調血之品和以甘艸薑棗辛散之味

不獨惡露可通即小產去血過多亦能療之總藉

去宿生新之力

甘艸湯 治產乳餘血不盡逆捨心胸手足逆冷

盡脣乾腹脹短氣方

合甘草三兩一匙芍藥中酒噴育桂心一曰一文

阿膠各三兩

東大黃四兩



右五味咬咀以東流水一斗煮取三升去滓內膠
令烱分三服一服入腹中面卽有顏色一日一夜
盡此三升卽下腹中惡血一二升立瘥當養之如
新產者

衍義 四味溫血藥中特進大黃一味以破逆上之血大
黃雖苦寒得桂心之辛散功用自不尋常一服入
腹卽面有色豈非宿有所驗乎

大黃湯 治產後惡露不盡方

大黃

當歸

甘州

生薑

牡丹

芍藥 各三兩

吳茱萸 一升

右七味咬咀以水一斗煮取四升去滓分四服一
日令盡加人參二兩名人參大黃湯

衍義 前用桂心以鼓大黃之性此用吳萸以行大黃之
力用當歸牡丹卽前方阿膠之義生薑佐吳萸可
抵桂心之辛散也

柴胡湯 治產後往來寒熱惡露不盡方

柴胡

生薑 各八兩

桃仁 五十枚

當歸

黃耆

芍藥 各三兩

吳茱萸 二升

右七味咬咀以水一斗三升煮取三升去滓先食
服一升日三千金翼以清酒一斗煮

衍義此方主治與桃仁湯無異但少醍醐一味以保產
後痺氣

蒲黃湯 治產後餘疾有積血不去腹大短氣不
得飲食上衝胸脇時時煩憤逆滿手足悞疼胃

中結熱方

蒲黃 十兩

大黃

芒硝

甘艸

黃芩

大棗

右六味咬咀以水五升煮取一升清朝服至日山

下若不止進冷粥半盞即止若不下與少熱飲自

下人羸者半之

千金翼名大黃湯無芒硝

衍義產後積血不去而致腹大氣短不急攻之變證莫

測蒲黃消黃破血猛劑恐其疾行乃以甘艸和之

黃芩專清鬱積之標熱也

銅鏡鼻湯 治產後餘疾惡露不除積聚作病血

氣結搏心腹疼痛方

小銅鏡鼻

十八銖燒末

大黃

二兩半

芍藥

乾地黄

芎藭

乾漆

芒硝

各二兩

亂髮

雞子大燒

大棗

三十枚

千金方後集卷三
五
右九味咬咀以水七升煮取二升二合去滓內髮
灰鏡鼻末分三服

小銅鏡鼻湯 治如前狀方

銅鏡鼻 十銖
燒末

大黃

甘艸

黃芩

芑硝

乾地黄 各二
兩

桃仁 五十
枚

右七味咬咀以酒六升煮取三升去滓內鏡鼻末
分三服亦治遁尸心腹痛及三十六尸疾

衍義

產後惡露不除久而成積聚雖有大黃芑硝乾
漆地黄之屬不能消磨堅積故取銅鏡之鼻以磨

礪之深契本經主治女子血閉癥瘕之旨芍藥芑

翦髮灰大棗乃乾漆之佐使耳 小銅鏡鼻湯方

下雖云治如前狀詳方中藥味必竟其勢稍緩或

元氣委頓難勝乾漆峻攻故但用桃仁黃芩甘草

酒煮以行藥力方後言亦治遁尸心腹痛者取銅

鏡鼻鎮邪不能遁形之義

梔子湯 治產後兒生處空流血不盡小腹絞痛

方

梔子三十枚以水一斗煮取六升內當歸芍藥

各二兩蜜五合生薑五兩羊脂一兩於梔子汁

中煎取二升分三服日三

衍義產後血流不盡而用梔子之苦寒豈無傷中之慮乎詳本經梔子治五內邪氣胃中熱氣能降火從小便泄去是必產母平昔多火大便燥實方可用之若舊有微溏諒不犯南陽之禁也

生地黄湯 治產後三日至七日腹中餘血未盡

絞痛強滿氣息不通方

生地黄 五兩 生薑 三兩 大黃

芍藥 扶苓 細辛

桂心 當歸 甘艸

黃芩 各一兩半 大棗 二十枚

右十一味咬咀以水八升煮取二升半去滓分三

服日三

衍義

即前大黃湯之變方大黃芍藥當歸甘艸生薑等味俱出大黃湯其用桂心細辛即大黃湯中吳茱

萸之意黃芩茯苓即大黃湯中牡丹之意大棗佐

黃芩以和寒熱也方下雖不言寒熱而用黃芩薑

棗之意可推

大黃乾漆湯 治新產後有血腹中切痛方

大黃 乾漆 乾地黄

千金方後集卷三
桂心

乾薑 各三兩

右五味咬咀以水三升清酒五升煮取二升去滓
溫服一升血當下若不瘥明旦服一升滿三服病
無不瘥

衍義

此從銅鏡鼻湯兩方中化出以瘀積未久未成癥
瘕與銅鏡鼻無預故但取前方之漆灰次方之清
酒而加乾薑桂心溫散可也

麻子酒 治產後血不去方

麻子五升擣以酒一斗漬一宿明旦去滓溫服
一升先食服不瘥夜服一升當吐下忌房事一
月將養如初產法

衍義

本經言麻子仁補中益氣日華言止消渴通乳汁
總取潤燥利竅之力既通乳汁則去血不言而喻
升麻湯 治產後惡物不盡或經一月半歲一歲
方

升麻三兩以清酒五升煮取二升去滓分再服
當吐下惡物勿怪良

衍義

升麻升清陽降濁氣滓之以酒而升騰胃氣胃氣
有權濁惡自不能留矣所患雖久而元氣未漓無
患升動逆氣也

治產後惡血不盡腹中絞刺痛不可忍方

大黃

黃芩

桃仁

各三兩

桂心

甘艸

當歸

各二兩

芍藥

四兩

生地黄

六兩

右八味咬咀以水九升煮取二升半去滓食前分

三服

衍義

於前生地黄湯中除去細辛茯苓棗薑易入桃仁一味破血之力較生地黄湯更專然非大滿大痛

皆難輕試

治產後漏血不止方

露蜂房

敗船茹

右二味等分作灰取酪苦漿服方寸七日三

衍義

露蜂房本經治驚癩癰瘕寒熱邪氣敗船茹乃桐油石灰黃麻結成並為逐垢散血之藥兼取填塞其空之義酪苦漿即點乳酪之酸漿也

又方

大黃

三兩

芒硝

一兩

桃仁

水蛭

燕蟲

各三枚

甘艸

當歸

各二兩

蠱蟲

四十枚

右八味咬咀以水三升酒二升合煮取三升去滓

分三服當下血

又方

桂心

鱗鱒各二兩

括蔞根

牡丹各三兩

鼓一升

右五味咬咀以水八升煮取三升去滓分三服

衍義抵當而兼下瘀血湯之製破血之猛劑也 又仿

佛金匱土瓜根散之製彼用土瓜根此用括蔞根

彼用麤蟲此用鱗鱒彼用芍藥此用牡丹彼用桂

枝此用桂心香鼓者專散穢惡之氣也

治產後血不可止者方

乾菖蒲三兩以清酒五升漬煮取三升分再服

卽止

衍義專取利竅之品清酒漬煎以活血散瘀散而血

得歸經矣

治產後惡血不除四體並惡方

續骨木二十兩破如算子大以水一斗煮取三

升分三服相去如人行十里久間食粥或小便

數或惡血下卽瘥此木得三遍煮

衍義續骨木專散血血散而肢腫自除以氣味穢濁恐

其傷胃須與粥食間進助其勢力

治產後下血不盡煩悶腹痛方

羚羊角

燒成灰刮取三兩

芍藥

二兩熬合黃

枳實

一兩熬合黃

右三味治下篩煮水作湯服方寸七日再夜一稍加至二七

又方

鹿角燒成灰擣篩煮豉汁服方寸七日三夜再稍加至二七不能用豉清煮水作湯服之

又方

擣生藕取汁飲二升甚驗

又方

牛地黃汁一升酒三合和溫頓服之

又方

衍義

赤小豆擣散取東流水和服方寸匕不瘥更作血下不盡不可再攻煩悶腹痛又難用補因取羚羊之入肝搜風而散惡血燒之便寓止脫之義乃合金匱枳實芍藥散專泄煩悶腹痛也 鹿角走督脉本經言治漏下惡血燒之亦能止血服用豉汁取散穢濁之氣也 生藕散血而且通行經絡產後尤宜 生地黃汁專主血熱妄行以其性寒恐其凝滯乃以酒和溫服 赤小豆清熱散火

散血亦隨之而散矣

治產後血痕痛方

古鐵一斤秤鎚斧頭鐵杵亦得炭火燒令赤內
酒五升稍稍服之神妙

衍義

燒鐵漬酒下氣最速因取素問治陽厥生鐵烙飲
之法更藉酒力以行血痕不獨產後主治也

治婦人血痕心腹積聚產乳餘疾絕生小腹堅滿
貫臍中熱腰背痛小便不利大便難不下食有
伏蟲臚脹癰疽腫久寒留熱胃腕有邪氣方

半夏 一兩
六銖

石膏

藜蘆

牡蒙

菴蓉

桂心

乾薑

各一兩

烏喙

半兩

巴豆

六十枚
研如膏

右九味為末蜜丸如小豆服二九日三及治男子
疝病

衍義

血痕積聚而致臚脹且見證雜合不得以雜合

治之方中半夏滌痰石膏清熱藜蘆涌吐牡蒙散
邪菴蓉鹹潤桂心溫血乾薑溫氣烏喙破痕巴豆
攻積藥雖峻而所服最少久積之痕勢在漸磨故
用峻劑緩攻深得治痕之奧

治婦人血痕痛方

乾薑

烏賊魚骨 各一兩

右二味治下篩酒服方寸七日三

又方

末桂心温酒服方寸七日三

衍義

前證堅積龐雜雖吐利並行毒藥猛進未可定其

必効此方亦主血瘕僅用烏賊以散結血乾薑以

温中氣蓋血非氣不行結非温不散素問四烏鰂

一蘆茹丸之變法也 又方單用桂心一味為末

專行温血温酒服之以助桂心之力彙萃諸方出

入之旨則產後散血諸例了無餘蘊矣

下痢第十五 方十九首

膠蠟湯 治產後三日內下諸雜五色痢方

阿膠

黃蘗 各一兩

蠟 如棊子三枚

當歸 一兩半

黃連 二兩

陳廩米 一升

右六味咬咀以水八升煮米蠟目沸去米內藥煮

取二升去滓內膠蠟令烱分四服一日令盡

衍義

滯下雖有寒熱新久之不同而推陳致新之治則

一至於產後新虛雖有瘀積猶須顧慮本元況有

臨月先痢而延及產後者得不更為扼腕耶此以

新產暴注熱邪勢甚恐其凌爍真陰不得拘於產

後苦寒之禁乃峻投連蘗以堅腸胃之崩迫歸膠以滋營氣之虛燥蜂蠟以安膿血之絕傷陳米以資胃氣之敷化此駐車丸之支派於中除去乾薑而加黃蘗米蠟也按駐車丸亦千金所立專調腎脾肺三車之氣以鹿車之力過疾則以黃連駐之牛車之力過緩則以乾薑御之羊車之力過勞則以阿膠滋之而駕馭三車者血與氣耳用當歸者藉以統攝傷殘之餘不使更失常度而淪胥不止也夫產後虛能受熱正宜溫理中氣何反除去辛溫而進苦寒是必西北風氣剛勁資稟偏陽難勝辛熱所以去彼取此設當東南水土卑弱軀體柔脆又當攸賴乾薑而遠黃蘗矣孰謂異法方宜之可忽乎

桂蜜湯 治產後餘寒下痢便膿血赤白日數十行腹痛時時下血方

- 桂心
- 甘艸
- 乾薑 各二兩
- 附子 一兩
- 蜜 一升
- 當歸 三兩
- 赤石脂 十兩

右七味咬咀以水六升煮取三升去滓內蜜煎一兩沸分三服日三

衍義

夫蜜潤腸下痢所禁反取之以產後泄脫無度非四逆桃花無以療之雖證屬虛滑而痢久津液逮匱急需滋乾導滯以協濟之攷之本艸蜜性雖滑熟則溫中薑雖辛熱炮則苦平可知蜜有和解辛熱之功薑具散火安中之力而桃花湯中粳米前膠蠟湯中已借用之此方既有桂心當歸甘艸熟蜜溫中和血可無藉於粳米也

治產後下赤白腹中絞痛方

芍藥

乾地黃

各五兩

甘艸

阿膠

艾葉

當歸

各二兩

右六味咬咀以水七升煮取二升半去滓內膠令烱分三服

治產後赤白下久不斷身面悉腫方

大豆

微熬

小麥

蒲黃

各一升

吳茱萸

半升

右四味以水九升煮取三升去滓分三服此方神驗亦可以水五升酒一斗煎取四升分四服

治產後痢赤白心腹刺痛方

薤白

一兩

當歸

二兩

酸石榴皮

三兩

地榆根

四兩

粳米

五合

右五味咬咀以水六升煮取二升半去滓分三服

必効方加厚朴一兩阿膠人參甘肅黃連各一兩半

衍義

前方以產後血虛痛痢不止故於金匱膠艾湯中但去芎藭一味彼治姙娠漏下固為必需此主產後滯下似可無藉非有所妨礙而去之也 次方以瘀積流泊於經而致身面浮腫故用大豆小麥後方專取南陽四逆散後薤白治腹中痛泄利下重及金匱胸痺方疎利濕熱之義榴皮酸澀榆皮利之薤白泄滯當歸和之粳米專扶胃氣之陷也

當歸湯 治產後下痢赤白腹痛方

當歸 龍骨 各三兩 乾薑

白朮 各二兩 芎藭 二兩 甘艸

白艾 熟者 附子 各一兩

右八味咬咀以水六升煮取二升去滓分三服一

日令盡

衍義

產後氣血兩虧加以下痢脾腎俱憊艾附朮附薑附艾力復陽當歸芎藭溫養其血至於龍骨斂固其津甘艸調和其氣並緩附子之性一舉而兩得之也

白頭翁湯 治產後下痢兼虛極方

白頭翁 阿膠 秦皮

黃連 甘艸各二兩 黃蘗三兩

右六味咬咀以水七升煮取二升半去滓內膠令烱分三服日三

衍義南陽以此方治厥陰熱痢下重金匱加甘艸阿膠

治產後下痢虛極其前膠蠟湯雖出駐車尤為此方的派要之二方皆滯下門中頂門金錀

鯀甲湯 治產後早起中風冷泄痢及帶下方

鯀甲如手大 當歸 黃連

乾薑各二兩 黃蘗長一尺廣三寸

右五味咬咀以水七升煮取三升去滓分三服日

三千金翼加白頭翁一兩

衍義本經言鯀甲治心腹癥瘕積聚而兼連蘗專祛濕

熱乾薑熱因熱用之嚮導當歸和其血滯為熱痢

之的方方下雖言產後早起風冷致病邪既入裏

而蘊熱必無外散之理世有因風致病尚欲牽纏

表藥者不幾癡人說夢耶

龍骨圓 治產後虛冷下血及穀下晝夜無數兼

治產後惡露不斷方

龍骨 四兩

乾薑

甘艸

桂心 各二兩

右四味為末蜜和丸暖酒服二十九如梧子日三
一方用人參地黃各二兩

衍義

本經言龍骨治泄利膿血女子漏下而兼乾薑桂
心温散寒結甘艸專和胃氣為冷痢之專藥薑桂
辛散不須復用嚮導也

阿膠圓 治產後虛冷洞下心腹絞痛兼泄瀉不

止方

阿膠 四兩

人參

甘艸

龍骨

桂心

乾地黃

白朮

黃連

當歸

附子 各二兩

右十味為末蜜丸如梧子大温酒服二十九日三
服

衍義

方下雖主虛冷洞下而證見本寒標熱故彙推理
中駐車及本門中龍骨圓三方並去乾薑而易附
子功力倍增阿膠當歸補營虛人參白朮附扶
胃弱桂心附子治本寒黃連一味除標熱猶
恐桂附過熱乃進地黃以護真陰龍骨以填滲漏

非但防虛陽之竊發并可杜虛寒之下脫也

澤蘭湯 治產後餘疾寒下凍膿裏急胸脇滿痛

咳嗽嘔血寒熱小便赤黃大便不利方

澤蘭

石膏

各二十四銖

當歸

甘艸

厚朴

各十八銖

遠志

二十銖

藁本

芎藭

各十五銖

乾薑

人參

桔梗

乾地黄

各二十銖

白朮

蜀椒

白芷

柏子仁

防風

吳茱萸

細辛

各八銖

桑白皮

麻子仁

各半升

右二十一味咬咀以水一斗五升先內桑白皮煮取七升半去之內諸藥煮取三升五合去滓分三服

衍義

澤蘭入肝脾血分爲產後要藥用以配入理中并

取椒辛黃朴之屬協助參朮以治寒下凍膿裏急胸腹滿痛主使歷然其餘芎藭藁本防風白芷遠志桑皮桔梗當歸地黃石膏麻仁柏仁等味皆爲咳嗽嘔血小便赤黃大便不利隨證參入學者不必師其成則也

乾地黄湯 治產後下痢方

乾地黄 二兩

白頭翁

黃連 各一兩

蜜蠟 一方

阿膠 手掌大一枚

右五味咬咀以水五升煮取二升半去滓內膠蠟

令烱分三服日三 千金翼有乾薑一兩

衍義

於白頭翁加甘艸阿膠湯中除去秦皮黃蘗但用

黃連以堅腸胃白頭翁以止腹痛阿膠以治內崩

加入地黄以除血熱蜜蠟以清胃氣本經端主下

利膿血以蠟味至淡入胃胃為五臟之本淡為五

味之先也

生地黄湯 治產後忽著寒熱下痢方

生地黄 五兩

甘艸

黃連

桂心 各一兩

大棗 二十枚

赤石脂 二兩

淡竹葉 二升一作竹皮

右七味咬咀以水一斗煮竹葉取七升去滓內藥

煮取二升半分三服日三

衍義

方下言忽著寒熱下痢是飲食中寒熱交進或飽

食後臍腹受冷飲食不化而蘊熱與外感之寒熱

無預也方中桂心專治本寒黃連專化蘊熱淡竹

地黃專行清熱甘艸大棗專于和中石脂一味專

固下焦之脫也

藍青圓 治產後下痢方

藍青 熬

附子

鬼臼

蜀椒 各一兩半

厚朴

阿膠

甘艸 各二兩

艾葉

龍骨

黃連

當歸 各三兩

黃蘗

茯苓

人參 各一兩

右十四味為末蜜和丸如梧子每服二十九空腹飲下 一方用赤石脂四兩

赤石脂圓 治產後虛冷下痢方

赤石脂 三兩

當歸

白朮

黃連

乾薑

秦皮

甘艸 各二兩

蜀椒

附子 各一兩

右九味為末蜜丸如梧子大酒服二十九日三金

翼作散空腹飲服方寸七

衍義

夫病有常變治難一揆產後滯下而至寒熱交錯毒邪膠固於內連葉不足以挫其威參附不足以固其脫法無可愈之機乃取法外之法以治變中之變藍青鬼臼本經雖有解毒殺蠱之治本艸小青條下且主血痢腹痛但世罕知用其他蜀椒龍骨為痢久虛滑而設膠艾當歸為肝虛血脫而設

甘茯苓朴為脾虛氣滯而設則又不離於常度也
赤石脂丸治證雖同然必較前稍緩故投劑稍
平而寒熱交錯則一所以方中椒薑附子與秦皮
黃連並行無悖白朮當歸與石脂甘艸協力匡扶
方克有濟以無毒邪固結乃無藉於藍青鬼臼也
按藍青丸藥品不備細釋其旨綽有至理然僅可
叅究其法良難效用其法非特藍青鬼臼能招誹
議卽澤蘭湯中麻仁桂蜜湯中蜂蜜咸為時禁況
妊娠痢門中羊脂尤為舉世所昧曷知其為本經
主治也

赤散 治產後下痢方

赤石脂

代赭

桂心

右三味治下篩酒服方寸七日三十日愈

黑散 治產後下痢方

麻黃

貫衆

桂心

細辛

甘艸

乾漆

右六味治下篩酒服五撮日再五日愈麥粥下尤
佳

黃散 治產後下痢方

黃連

黃芩

麤蟲

乾地黃

各一兩

右四味治下篩酒服方寸七日三十日愈

龍骨散 治產後痢方

五色龍骨

代赭

赤石脂

黃蘗根皮

蜜炙各一兩半

黃連 二兩

右六味治下篩飲服方寸七日三

衍義

赤散治久痢滑泄故取石脂療腹痛腸澼下痢赤白代赭治腹中毒邪女子赤沃漏下皆本經主治以其味瀋司收故用桂心之辛而散其滯也 黑散治血結於內而腹脹喘逆故用乾漆治絕傷而

破血下行桂心散結積而溫理血氣貫眾治腹中邪而散諸熱毒細辛利空竅而溫散諸寒甘艸調胃氣而兼和藥性麻黃開腠理而宣散逆氣此雖發汗重劑然入於破血導滯劑中亦必助乾漆貫眾之勢以本經原有破堅癥之治也 黃散治血結於內而發熱故用廬蟲以破堅下血閉芩連以治腹痛下痢地黃以清血中之熱也 龍骨散取連蘗苦寒而治崩迫後重以其專散濕熱蘗根名曰檀桓能治腹中百病代赭石脂龍骨艾葉性味皆瀋專主虛寒脫泄用散不用湯者欲其止瀋故

無取於蕩滌也 四方雖同主產後下痢而藥味所主不同是可推其見證也

淋渴第十六 方九首

栝蒌湯 治產後小便數兼渴方

栝蒌根

麥門冬

甘艸

黃連 各二兩

人參

生薑 各三兩

大棗 十五枚

桑螵蛸 二十枚

右八味咬咀以水七升煮取二升半分三服又方 治產後渴不止方

栝蒌根 四兩

人參

麥門冬 各三兩

甘艸 崔氏無

乾地黄 各二兩

大棗 二十枚

土瓜根 五兩 崔氏用蘆根

右七味咬咀以水一斗二升煮取六升分六服

衍義

淋渴往往相兼但淋證未有不渴渴證未必皆淋

栝蒌湯二方所主雖皆肺胃虛熱並用人參麥冬

栝蒌甘艸大棗生津止渴一兼黃連螵蛸專主足

太陽不能濇津而成淋一兼地黃土瓜根專主手

太陽不能化氣而致渴以無黃連之苦寒故無取

生薑之辛散

雞臍脰湯 治產後小便數方

雞臍脰

二具

雞腸

三具

乾地黄

當歸

甘艸

厚朴

人參

各二兩

蒲黃

四兩世本作麻

生薑

五兩

大棗

二十枚

右十味咬咀以水一斗煮臍脰及腸大棗取七升

去滓內諸藥煎取三升半分三服

衍義

熱在小腸不能司膀胱氣化而小便頻數小腸盡處傍通膀胱膀胱滲瀝是必小腸有瑕故取雞之

臍脰及腸專利小腸厚朴薑棗專泄滯氣人參甘

艸地黄當歸兼滋氣血蒲黃匡佐臍脰專清膀胱

血熱也世本作麻黃熱既犯府斷無復用麻黃之

理

治婦人結氣成淋小便引痛上至小腹或時溺血

或如豆汁或如膠飴每發欲死食不生肌面目

萎黃師所不能治方

貝齒

四枚燒作末

葵子

一升

石膏

五兩碎

滑石

二兩末

右四味以水七升煮二物取二升去滓內二末及

豬脂一合更煎三沸分三服日三不瘥再合服

衍義

結氣成淋而致引痛溺血時有所下內因堅積可

知貝齒專磨堅積葵子滑石石膏輔貝子治五淋
利水道也

石韋湯 治產後卒淋氣淋血淋石淋方

石韋

黃芩

通艸

甘艸 各二兩

榆皮 五兩

大棗 三十枚

葵子 二升

白朮 產寶用芍藥

生薑 各三兩

右九味咬咀以水八升煮取一升半分三服 集驗無甘

艸生薑崔氏同產寶不用薑棗

衍義

產後淋證得之卒然無問氣血與石一皆不離於
熱石韋大寒本經專主五癰不通兼榆皮葵子之

屬雖云利竅并可散血血散而淋自愈矣產寶以
芍藥易朮集驗不用甘艸生薑各有主見

葵根湯 治產後淋瀝方

葵根 二兩

車前子 一升

亂髮 燒灰

大黃

桂心

滑石 各一兩

通艸 三兩

生薑 六兩

冬瓜練 七合一作汁

右九味咬咀以水七升煮取二升半分三服 千金翼不

用冬瓜練

茅根湯 治產後淋方

白茅根 一斤

瞿麥

茯苓 各四兩

掃葉山房

地脉

人參

各二兩

生薑

三兩

桃膠

甘艸

各一兩

鯉魚齒

一百枚

右九味咬咀以水一斗煮取二升半分三服

衍義

二方同治產後之淋並主膀胱熱結前方用葵根

之滑澤兼大黃之寒降以散膀胱之積熱車前滑

石通艸乃葵根之佐使桂心亂髮生薑則大黃之

反謀瓜練專清胃熱燥渴也 後方用白茅根之

甘寒兼人參之甘溫以溫肺胃氣化瞿麥桃膠地

脉乃茅根之佐使茯苓甘艸生薑則人參之匡輔

鯉齒散堅利水并助桃膠以磨宿積之瘕方下所

治雖同而新久虛實霄壤

滑石湯

治產後淋方

滑石

五兩

通艸

車前子

葵子

各四兩

右四味治下篩酢漿水服方寸七稍加至二七

竹葉湯

治產後虛渴少氣方

竹葉

三升

生薑

半夏

各三兩

大棗

十四枚

小麥

五合

甘艸

茯苓

人參

各一兩

麥門冬

五兩

右九味咬咀以水九升煮竹葉小麥取七升去滓

內諸藥更煎取二升半一服五合日三夜一

衍義

淋之與渴雖多相兼淋證未久津液未傷未便作

渴渴證雖久無關下焦豈得成淋詳滑石散竹葉

湯二方主治其義自明

雜治第十七

方五十八首
灸法九首

破積烏頭圓

治婦人心腹積聚氣悶脹疝瘕內

傷瘀血產乳餘疾及諸不足勞氣食氣胃滿吐

逆其病頭重結痛小便赤黃大下氣方

烏頭

黃芩

巴豆

各半兩

半夏

大黃

戎鹽

各一兩

蟲蟲

桂心

苦參

各一兩

人參

消石

各一兩

右十一味為末以白蜜青牛膽拌和擣三萬杵丸如梧子隔宿勿食酒服五丸安臥須臾當下黃者小腹積也青者疝也白者內風也如水者留飲也青如粥汁膈上邪氣也血如腐肉者傷也赤如血者產乳餘疾也如蟲刺者蠱也既下必渴渴飲粥湯飢食稀糜三日後當溫食食必肥濃三十日平復

衍義

勞氣食氣逆氣而挾瘀積苟非迅雷疾擊則與養

癰何異烏頭巴豆之辛烈不得苦參大黃不能直
搗長驅桂心佐蠱蟲以破積血黃芩佐半夏以破
積痰戎鹽佐消石以破積水人參統領諸藥爲之
主帥服後觀其所下過半便與糜粥調養經謂大
積大聚毒可犯也衰其大半而止毋犯下文三字
竹茹湯 治婦人汗血吐血尿血下血方

竹茹 二升

人參

芍藥

桔梗

芎藭

當歸

甘艸

桂心

乾地黄

右九味咬咀以水一斗煮取三升分三服

義

前治勞氣食氣逆氣此治汗血吐血尿血下血竹
茹爲亡血發渴專藥芎藭芍地爲滋血專藥人參
甘艸爲扶胃專藥桂心專行四物之滯桔梗專助
人參之力非若前證之有氣逆血結合行攻擊也
治婦人自少患頭疼眼眩方

石南

一方用石韋

細辛

天雄

茵芋

各二兩

薯蕷

防風

貫衆

獨活

蘼蕪

乾薑

山茱萸

各三兩

右十一味咬咀以酒三斗漬五日初飲二合日三

服後稍稍加之

衍義一派皆搜風猛劑漬之以酒稍取微酣深得緩急
相需之妙用但茵芋近世罕得不妨以鬼臼代之
治婦人經服硫黃丸忽患頭痛項冷冷歇又心胸
煩熱眉骨眼背癢病有時生瘡喉中乾燥四體
痛癢方

栝藹根

麥門冬

龍膽 各三兩

大黃 二兩

杏仁 二升

土瓜根 八兩

右六味為末蜜丸如梧子飲服十九日三後漸加之

衍義

火逆則頭痛火鬱則項冷皆硫黃毒伏之候火性
上炎而熏灼肺胃故用栝藹根麥門冬滋其上燥
大黃龍膽疎其下竅杏仁專散結氣土瓜根專破
結血蜜丸緩進漸加以化熱毒也

治婦人患癰按時如有三五箇而作水聲殊不得
寢食嘗心悶方

牽牛子三升治下篩飲服方寸七日一服三十
服後可服好硫黃一兩

衍義

先行蕩滌次與溫散然非按之作水聲者便非水
癰慎勿誤投苟非氣壯質實亦難槩治

治婦人忽與鬼交通方

松脂 二兩

雄黃 一兩

右二味先煇松脂乃內雄黃末以虎爪攪令相得藥成取如雞子中黃夜臥以著燻籠中燒令病人取自昇其上以被自覆惟出頭勿令過熱乃令氣得泄也

衍義

松脂雄黃皆辟邪之物燒燻隱處令絕其交通之地

厚朴湯

治婦人下焦勞冷膀胱腎氣損弱白汗小便俱出方

厚朴如手大長四寸以酒五升煮兩沸去滓取

桂一尺為末內汁中調和一宿勿食旦頓服之

衍義

下焦虛冷真陽式微不能恢廓大氣此方得之

溫經湯

治婦人小腹痛方

茯苓 六兩

土瓜根

芍藥 各三兩

薏苡仁 半升

右四味咬咀以酒三升漬一宿旦加水七升煮取二升分再服

衍義

婦人小腹痛有熱有寒此以經癸不調而痛雖曰溫經殊非虛冷之謂酒浸煎服即所以溫之也

半夏厚朴湯 治婦人胸滿心下堅咽中帖帖如

有灸肉癢吐之不出咽之不下方

半夏 一升 厚朴 三兩 茯苓 四兩

生薑 五兩 蘇葉 五兩

右五味咬咀以水七升煮取四升分四服日三夜

一不瘥更服 一方無蘇葉生薑

^衍婦人火鬱痰結於咽而致嘔吐不下用半夏厚朴

溫散專取金匱成法

治婦人氣方

平旦服烏牛尿日一止

^衍水氣浮腫而用烏牛之尿殺蟲利水與驢尿同功

而烏牛更益脾腎

昆布圓 治婦人胸中伏氣方

昆布 海藻 芍藥

桂心 白石英 欵冬花

食桑白皮 治婦人中人參 拍子仁

茯苓 鍾乳 紫苑

甘艸 乾薑 吳茱萸

五味子 細辛 杏仁

橘皮 蘇子

右二十味爲末蜜丸如梧子酒服二十九日再加至四十九

衍義痰氣伏匿胸中如陰霾噎日苟非辛溫沓進何以宣布五陽而溫散藥中獨不及附子者恐其壯火食氣更增擾亂中州也

治婦人無故憂恚胸中迫塞氣不下方

芍藥 滑石 黃連

石膏 山茱萸 前胡 各一兩 六銖

大黃 麥門冬 細辛

生薑 各一兩 十八銖 半夏 十八銖 桂心 半兩

右十二味爲末蜜丸如梧子酒服二十九加至三十九日三服

衍義前以胸中大氣不布故宜溫補助陽此以胸中痰氣迫塞故宜滌熱存陰同一中氣不舒而寒熱補

瀉天淵

治婦人斷產方

蠶子故紙方一尺燒爲末酒服之終身不產

治勞損產後無子陰中冷溢出子門閉積年不瘥

身體寒冷方

防風 一兩 半 桔梗 三十銖 人參 一兩

菖蒲

半夏

丹參

厚朴

乾薑

紫苑

杜蘅

各十八銖

秦艽

白斂

牛膝

沙參

各半兩

右十四味為末白蜜和丸如小豆食後服十五丸日三服不知加至二十九有娠止夫不在勿服之服藥後七日方合陰陽

衍義

是必產後房勞虛風內動風虛相搏而經閉不行濁溢子門故用防風白斂杜蘅秦艽以逐內風半夏厚朴以滌痰氣牛膝丹參以通積血沙參紫苑

桔梗菖蒲輔乾薑人參以溫胃氣勿疑防風等味

為發散用也

五加酒 治產後癱瘓玉門冷方

五加皮 一斤

蛇床子 一升

杜仲 一斤

乳床

半升即孔公藥

乾地黄

二兩

枸杞子

一升

丹參

二兩

乾薑

三兩

天門冬

四兩

右九味咬咀以絹袋子盛酒三斗漬三宿一服五合日再稍加至一升佳

衍義

專溫玉門也

五加皮專發醪醴性味諸藥得此功力倍常不獨

治子門閉血聚腹中生肉癥藏寒所致方

乾漆 半斤

生地黄汁 三升

生牛膝汁 一升

右三味先搗漆為散內汁中攪微火煎為丸如梧子酒服三九日再覺腹中痛食後服之

衍義

矣

漆灰破血不得地黃牛膝之潤與潤澤之魚無異

治產後勞玉門開而不閉方

硫黃 四兩

吳茱萸 一兩半

兔絲子 一兩六銖

蛇床子 一兩

右四味為散以水一升煎二方寸匕洗玉門日再

洗

治產後陰道開而不閉方

石灰一斗熬令燒艸以水二斗投之適寒溫入汁中坐漬之須臾復易坐如常法甚効

衍義

玉門開而不閉肝氣過泄腎氣不藏故用硫黃茱萸以溫之兔絲蛇床以補之石灰熬漬以蒸之勞

在患處故無取于內治

黃芩散 治婦人陰脫方

黃芩

蝟皮

當歸

各半

芍藥 一兩

牡蠣

竹皮

各二兩半

狐莖

一具千金翼用松皮

右七味治下篩飲服方寸七日三禁舉重房勞冷食

硫黃散 治同前

硫黃

烏鰂骨 各半兩

五味子 三銖

右三味治下篩以粉其上良日再三粉之

當歸散 治同前

當歸

黃芩 各二兩

蠟皮 半兩

牡蠣 二兩半

芍藥 一兩六銖

右五味治下篩酒服方寸七日三服禁舉重良

治產後陰下脫方

蛇牀子一升布裏炙熨之亦治產後陰中痛

又方

燒人屎為末酒服方寸七日三

又方

燒弊箒頭為灰酒服方寸七

又方

鱉頭五枚為末以井花水服方寸七日三

又方

皂莢 半兩

半夏

大黃

細辛 各十
八銖

蛇床子 三銖

右五味治下篩用薄絹囊盛大如指內陰中口二
易卽瘥

又方

吳茱萸

蜀椒

各一
升

戎鹽

如雞
子大

右三味皆熬令變色爲末以綿裹如半雞子大內
陰中日一易二十日瘥

治陰下挺出方

蜀椒

廣濟方
不用

烏頭

白芨

各半
兩

右三味爲末以方寸七綿裹內陰中入三寸腹中

熱易之日一度明旦乃復著七日愈

治婦人陰下脫若脫肛方

羊脂煎訖適冷暖取塗上以鐵精敷脂上多少
令調以火灸布令暖熨肛上漸推內之然後末
磁石酒服方寸七日三

衍義

陰脫與子門不閉不同勞則泄而不收脫則虛熱

下墜故以黃芩竹皮清理濕熱當歸芍藥調和血
氣蠟皮治陰腫下血牡蠣治赤白帶下狐莖取其
善縮入腹所患最急恐藥力紆緩更須粉以外治
酒以內助以無狐莖并去竹皮若產後虛脫陰腫

蛇床熨之驚頭收之身莢大黃半夏細辛蛇床專
散瘀腫茱萸蜀椒戎鹽專治風冷蜀椒烏頭白芩
專療陰挺羊脂專助滑澤并敷鐵精內服磁石吸
之使內而不下也

當歸湯 治產後臟中風冷陰腫痛方

當歸 獨活 白芷

地榆 各三兩 敗醬 千金翼不用 礬石 各二兩

右六味以水一斗半煮取五升適冷暖稍稍洗陰

日三

又方

熟搗桃仁傅之良日三度

竹義

產後陰腫無非風熱瘀血獨活白芷散風當歸地
榆散血敗醬解毒礬石消腫如法洗之最良熟搗

桃仁傅之亦得總取散血消腫之功用

陰瘡膏 治男女陰瘡方

米粉 一杯許 芍藥 黃芩

牡蠣 附子 白芷 各十銖

右六味咬咀以不中水猪膏一斤微火上煎三上

三下候白芷黃膏成絞去滓內粉和令相得傅瘡

上併治口瘡

治陰中痛生瘡方

羊脂 一斤

杏仁 一升

當歸

白芷

芎藭 各一兩

右五味為末以羊脂和諸藥內鉢中置飯內蒸之三升米頃藥成取如大豆許綿裹內陰中日一

治男女陰中瘡濕癢方

黃連

梔子

甘艸

黃蘗 各一兩

蛇床子 二兩

右五味治下篩為細末以粉瘡上無汁以猪脂和塗之深者用綿裹內瘡中日二

治陰瘡方

蕪荑

芎藭

黃芩

甘艸

礬石

雄黃

附子

白芷

黃連 各六銖

右九味咬咀取猪膏四兩合煎傅之

治陰中癢如蟲行狀方

礬石 十八銖

芎藭 一兩

丹砂 少許

右三味治下篩取綿裹藥著陰中蟲自死

治陰中癢入骨方

大黃

黃芩

黃耆 各一兩

芍藥 半兩

元參

丹參 各十
八銖

吳茱萸 三十
銖

右七味治下篩酒服方寸七日三

又方

狼牙兩把以水五升煮取一升洗日五六度

治男女陰蝕略盡方

蝦蟆

兔屎

石二味等分為末取傅瘡上

又方

蛇床子 一方用
芎藭 當歸

芍藥

甘艸 各一
兩

地榆 三兩

右五味咬咀以水五升煮取二升洗日三夜二

又方

蒲黃 一升

水銀 一兩

右二味研以粉其上

又方

肥猪肉十斤以水煮取熟去肉盆中浸之冷易

不過三兩度亦治陰中癢有蟲

衍義

陰瘡多由濕熱所致濕盛則多癢熱盛則多痛濕熱交併則癢痛炊腫甚則腐爛生蟲蟲亦濕熱所

化淫褻不禁者多此陰瘡膏中芍藥和血痺寒熱
黃芩主惡瘡疽蝕牡蠣治赤白帶下附子破癥堅
積聚白芷療陰腫寒熱煎用豬脂滋血解毒和以
米粉止痛生肌專藉附子透入陰經也 陰中痛
生瘡用羊脂滋血杏仁殺蟲白芷散腫芎歸和營
專取羊脂引入蟲口 男女陰中濕瘡雖用連蘘
苦燥山梔甘艸清火不得蛇牀不能治男子陰痿
濕癢婦人陰中腫痛 陰瘡用蕪荑礬石雄黃殺
蟲芩連散火甘芷消腫芎藭和血不得附子不能
解散陰毒 陰中如蟲行專用礬石治癢芎藭和

血丹砂鎮攝陰火也 陰癢入骨厥陰火鬱不得
發泄也非大黃黃芩不能導之使下非吳茱萸不
能通之使散非蒼芍二參不能解散鬱熱也 又
方單用狼牙爲殺蟲解毒專藥 男女陰蝕血肉
略盡諒非艸根木實可療故取蝦蟆蝕月之義以
治陰蝕太陰月兔之屎以逐陰穢非精明陰陽至
理者難以體此 又方用歸芎甘艸地榆和血止
痛不得蛇牀無以化濕熱生蟲之隱疾 又方用
蒲黃散血水銀殺蟲亦陰蝕之峻藥 豬肉煮湯
浸洗雖能止痛安蟲然浸後須加傅治庶杜復發

之虞以上諸治須詳濕盛熱盛有蟲無蟲隨證採
用可也

治女人交接輒血出方

桂心

伏龍肝各二兩

右二味為末酒服方寸匕立止

治童女交接陽道違理及為他物所傷血出流離

不止方

取釜底墨少許研胡麻以傅之

又方

燒繭絮灰傅之

又方

燒青布并髮灰傅之立愈

治合陰陽輒痛不可忍方

黃連

一兩半

牛膝

甘艸

各一兩

右三味咬咀以水四升煮取二升洗日四度

治婦人傷於丈夫四體沉重噓吸頭痛方

香豉

葱白

各一升

生地黄

八兩

生薑

四兩

甘艸

二兩

芍藥

五兩

右六味咬咀以水七升煮取二升半分三服不瘥

重作慎房事

集驗方無生薑甘艸

白玉湯 治婦人陰陽過度玉門疼痛小便不通

方

白玉 二兩半

白朮

當歸 各五兩

澤瀉

茯苓 各二兩

右五味㕮咀以水一斗煎玉五十沸去玉內藥煎取二升分再服相去一炊頃

衍義

女人交接出血多由衝脉受傷方用桂心辛温散血伏龍肝暖藏生肌故為首推 次用釜底墨亦能止血生肌兼取胡麻之潤以緩痛也 繭絮灰青布灰髮灰並能止血 交合輒痛經脉受傷而

蘊熱故用黃連散火牛膝和血甘艸緩痛 傷於

丈夫而體重頭痛用葱白香豉之屬與女勞復之

治相類卽有客邪發熱亦不出此 玉能滅癥亦

能止痛但取以通氣化兼用白朮以温肉理當歸

以和血脉茯苓以滋精髓澤瀉佐白玉以通氣化

皆交接過傷之專法

治動胎見血腰痛小腹疼月水不通陰中腫痛方

蒲黃

當歸 切各二兩

葱白 一斤切

吳茱萸

阿膠 各一兩

右五味以水九升煮取二升半去滓內膠合烱分

三服

治妊娠為夫所動欲死單行竹瀝汁方

取淡竹斷兩頭節火燒中央器盛兩頭得汁飲之立効

桑根白皮湯 治傷于丈夫苦頭痛欲嘔心悶方

桑根白皮兩半 乾薑二兩 桂心五寸

大棗二十枚

右四味咬咀以水一斗煮取三升去滓分三服適衣無令汗出

治嫁痛單行方

大黃十八銖取好酒一升煮三沸頓服之佳

治小戶嫁痛連日方

甘艸三兩 芍藥半兩 生薑十八銖

桂心六銖

右四味咬咀以酒二升煮三沸去滓盡服神効
又方

牛膝五兩以好酒三升煮取一升半去滓分三服

治小戶嫁痛方

烏賊魚骨燒為屑酒服方寸七日三

衍義

動胎見血與因病而胎息不安之治不同此方以蒲黃散血當歸和血阿膠止血吳茱萸下氣止痛葱白溫血安胎而無母病之糾纏也 竹瀝寒降惟妊娠肥盛多痰胎逆喘滿者為宜 腎氣過勞而胎氣上逆喘悶欲嘔者則以薑桂收攝虛陽大棗安和脾氣桑根白皮開泄逆上喘滿之氣 酒煮大黃既能消腫亦能泄火惟氣盛壯實者為宜 小戶嫁痛而瀼瀼惡寒翕翕發熱用桂枝湯本非表邪但取和營故減桂枝以下體傷不宜更實中土故去大棗 又方單用牛膝酒煮專和血脉

之傷損 烏賊骨為氣竭肝傷厥陰散血之專藥

且味鹹兼走少陰故小戶受傷為之的藥

治陰寬大令窄小方

兔屎

乾漆 各半

鼠頭骨 二枚

雌雞肝

二枚陰乾百日

右四味為末蜜丸如梧子月初七日合時著一九陰頭令徐徐內入三日知十日小五十日如十五

歲童女

一本無乾漆有礬石

衍義

婦人具體稟乎坤儀盈虧同乎月朏原夫玉門寬

窄雖係生成然多有交接過勞傷殘經絡不能收

持者非力爲圖治胡能復其本來故取月兔之遺
同氣相引以療積陰之固疾乾漆之治絕傷以破
宿昔之瘀滯鼠頭骨之善竄少陰以利陰曲之機
竅生雞肝之直達厥陰以修廢弛之關開其囊破
宿生新之功若不因敗損無瘀濁下溢者則當從
去乾漆易礬石例治證雖猥褻略無及于狎狎之
味智圓行方于此可徵

治陰冷令熱方

內食菜莢于牛膽中令滿陰乾百日每取二七
枚綿裹之齒嚼令碎內陰中良久熱如火

衍義

陰冷乃肝氣失職生陽不能下達至陰故用食菜

莢溫散厥陰之味製以牛膽并清濁陰之不潔然
須日用無間庶克有濟兼進八味腎氣尤爲得力
灸法

月水不利貫脈上下并無子灸四滿三十壯穴在丹
田兩邊相去各開寸半丹田在臍下二寸是也

婦人胞落頰灸臍中三百壯 又灸身交五十壯三
報在臍下橫交中 又灸背脊當臍五十壯 又灸
玉泉五十壯三報 又灸龍門二十壯三報在玉泉
下女人入陰內外之際此穴卑今廢不鍼灸

婦人胞下垂注陰下脫灸俠玉泉三寸隨年壯三報
 婦人陰冷腫痛灸歸來三十壯三報俠玉泉五寸是
 其穴
 婦人欲斷產灸右踝上一寸二壯即斷

孫真人千金方衍義卷三 終

